

清實錄

K 249/17 ⑤

063270


清實錄

第五册

聖祖仁皇帝實錄(二)

卷一〇〇至卷一九六
康熙二十一年至三十八年

中華書局影印



顺德图书馆



5000 8131

清 實 錄

(第 五 冊)

聖 祖 實 錄 (二)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787 × 1092 毫米 1/16 · 67 1/2 印張

1985 年 9 月第 1 版 1985 年 9 月北京第 1 次印刷

印數 0,001—1,500 冊

統一書號: 11018 · 1355—5 定價: 50.00 元

清實錄第五冊目錄

聖祖仁皇帝實錄(一)

卷一〇〇	康熙二十一年正月	一
卷一〇一	康熙二十一年二月至三月	九
卷一〇二	康熙二十一年四月至五月	二三
卷一〇三	康熙二十一年六月至七月	三六
卷一〇四	康熙二十一年八月至九月	四八
卷一〇五	康熙二十一年十月	六三
卷一〇六	康熙二十一年十一月至十二月	七一
卷一〇七	康熙二十二年正月至二月	八四
卷一〇八	康熙二十二年三月	九五
卷一〇九	康熙二十二年四月至五月	一〇六
卷一一〇	康熙二十二年六月至閏六月	一一九
卷一一一	康熙二十二年七月至八月	一三八
卷一二二	康熙二十二年九月至十月	一四五
卷一一三	康熙二十二年十一月至十二月	一六一
卷一一四	康熙二十三年正月至三月	一七四
卷一一五	康熙二十三年四月至六月	一九〇
卷一一六	康熙二十三年七月至九月	二〇四
卷一一七	康熙二十三年十月至十一月	二一九
卷一一八	康熙二十三年十二月	二三六
卷一一九	康熙二十四年正月至二月	二四四
卷一二〇	康熙二十四年三月至四月	二五六
卷一二一	康熙二十四年五月至八月	二七〇
卷一二二	康熙二十四年九月至十月	二八五
卷一二三	康熙二十四年十一月至十二月	二九九
卷一二四	康熙二十五年正月至二月	三一
卷一二五	康熙二十五年三月至四月	三二三
卷一二六	康熙二十五年閏四月至六月	三三五
卷一二七	康熙二十五年七月至十月	三五〇

卷一二八	康熙二十五年十一月至十二月	三六六	卷一四四	康熙二十九年正月至二月	五七一
卷一二九	康熙二十六年正月至三月	三七九	卷一四五	康熙二十九年三月至四月	五九四
卷一三〇	康熙二十六年四月至七月	三九二	卷一四六	康熙二十九年五月至六月	六〇四
卷一三一	康熙二十六年八月至十一月	四〇六	卷一四七	康熙二十九年七月	六一八
卷一三二	康熙二十六年十二月	四三一	卷一四八	康熙二十九年八月至九月	六三二
卷一三三	康熙二十七年正月至二月	四三三	卷一四九	康熙二十九年十月至十二月	六四三
卷一三四	康熙二十七年三月	四四九	卷一五〇	康熙三十年正月至三月	六五八
卷一三五	康熙二十七年四月至六月	四五九	卷一五一	康熙三十年四月至五月	六七一
卷一三六	康熙二十七年七月至八月	四七二	卷一五二	康熙三十年六月至八月	六七九
卷一三七	康熙二十七年九月至十一月	四八六	卷一五三	康熙三十年九月至十二月	六八七
卷一三八	康熙二十七年十二月	五〇〇	卷一五四	康熙三十一年正月至三月	六九八
卷一三九	康熙二十八年正月至二月	五一二	卷一五五	康熙三十一年四月至七月	七〇九
卷一四〇	康熙二十八年三月至四月	五二八	卷一五六	康熙三十一年八月至九月	七二八
卷一四一	康熙二十八年五月至八月	五四四	卷一五七	康熙三十一年十月至十二月	七三五
卷一四二	康熙二十八年九月至十月	五五七	卷一五八	康熙三十二年正月至三月	七三五
卷一四三	康熙二十八年十一月至十二月	五七二	卷一五九	康熙三十二年四月至七月	七四五

卷一六〇	康熙三十二年八月至十月	七五二	卷一七五	康熙三十五年八月	八八九
卷一六一	康熙三十二年十一月至十二月	七六二	卷一七六	康熙三十五年九月	八九六
卷一六二	康熙三十三年正月至三月	七六九	卷一七七	康熙三十五年十月	九〇三
卷一六三	康熙三十三年四月至閏五月	七七九	卷一七八	康熙三十五年十一月至十二月	九一〇
卷一六四	康熙三十三年六月至八月	七八八	卷一七九	康熙三十六年正月	九一九
卷一六五	康熙三十三年九月至十二月	七九五	卷一八〇	康熙三十六年二月	九二三
卷一六六	康熙三十四年正月至四月	八〇四	卷一八一	康熙三十六年三月	九三三
卷一六七	康熙三十四年五月至七月	八二二	卷一八二	康熙三十六年閏三月	九四三
卷一六八	康熙三十四年八月至十月	八三〇	卷一八三	康熙三十六年四月至五月	九五四
卷一六九	康熙三十四年十一月至十二月	八三〇	卷一八四	康熙三十六年六月至七月	九六六
卷一七〇	康熙三十五年正月	八四一	卷一八五	康熙三十六年八月至十月	九七四
卷一七一	康熙三十五年二月至三月	八四六	卷一八六	康熙三十六年十一月至十二月	九八三
卷一七二	康熙三十五年四月	八五八	卷一八七	康熙三十七年正月至三月	九九〇
卷一七三	康熙三十五年五月	八六六	卷一八八	康熙三十七年四月至六月	九九八
卷一七四	康熙三十五年六月至七月	八七九	卷一八九	康熙三十七年七月至八月	一〇〇五
			卷一九〇	康熙三十七年九月至十月	一〇一三
			卷一九一	康熙三十七年十一月至十二月	

十二月

一〇三〇

卷一九二 康熙三十八年正月至三月 一〇三〇

卷一九三 康熙三十八年四月至六月 一〇四一

卷一九四 康熙三十八年七月至八月 一〇五〇

卷一九五 康熙三十八年九月至十月 一〇五七

卷一九六 康熙三十八年十一月至

十二月

一〇六五

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百

監修總裁官光祿大夫太保兼太子太傅保和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太保保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙二十一年壬戌春正月己酉朔

實錄卷一百

上詣

堂子行禮還宮拜神畢率諸手貝勒貝子公內

大臣大學士都統尚書精奇尼哈番侍衛等

詣

太皇太后

皇太后宮行禮御太和門王以下文武各官外

藩王及使臣等上表朝賀筵宴如例○朝鮮

國王李焞遣陪臣李漵等表賀冬至元旦

萬壽節及進歲貢禮物宴賚如例○壬子

上詣

太皇太后

皇太后宮問安○乙卯

世祖章皇帝忌辰遣官祭

孝陵○丙辰孟春享

太廟

上親詣行禮○遣官祭太歲之神○丁巳

上詣

太皇太后宮率王以下滿漢文武二品官以上

實錄卷一百

進慶賀

太皇太后七十聖壽金銀綬疋等物○戊午

上詣

太皇太后

皇太后宮問安○辛酉祈穀於

上帝

上親詣行禮○

上詣

太皇太后

皇太后宮問安○壬戌。以上元節。賜外藩科爾沁。巴林。蘇尼特。阿霸垓。吳喇忒。杜爾伯特。土默特。翁牛特。郭爾羅斯。王。貝勒。貝子。公。台吉。及內大臣。大學士。上三旗都統。副都統。尚書。侍郎。學士。侍衛等宴。

○
上御乾清宮。宴內閣大學士。學士。各部院寺堂官。翰林院學士。講讀學士。侍讀侍講。及日講官。編修。檢討。詹事府坊局等官。科道。掌印官。九十三員。

上命學士張英。侍講高士奇。傳諭曰。向來內殿筵宴。諸臣未與。今因海內乂安。時當令序。特於乾清宮賜宴。君臣一體。共樂昇平。同昭上下。泰交之盛。諸臣當懽忭暢飲。以副朕懷。大學士李蔚奏曰。

皇上特恩曠典。千載一遇。臣等不勝感激。奏畢。分左右班。以次序進。樂作。各就位。叩頭坐。上進膳。諸臣乃飯。

上命各飽飲。盡量少選。徹饌。更設有核。酒觴既

陳。大學士勒德洪至

御前。跪進酒。上壽畢。

上命大學士。尚書。都御史。侍郎。學士。以次至御座前。親賜飲。以下諸臣。俱命至御前賜飲。又命學士張玉書。張英。傳諭曰。今日內殿嘉宴。特赦諸臣。笑語無禁。諸臣奉詔。暢飲極歡。樂奏二闕。

上復命張玉書。張英。傳諭曰。宴畢時。諸臣可近御座前。觀燈。朕更賜以卮酒。於是大學士。尚書。都御史。以次至

御座傍。觀鰲山燈。又命侍郎以下諸臣。俱至御前。賜飲。特命光祿寺卿馬世濟。右通政陳汝器。至

御座前。親賜飲。以馬世濟為殉難巡撫馬雄鎮之子。陳汝器為殉難副使陳啓泰之子也。既撤筵。諸臣以次出。

上命羣臣有需醉者。令內官扶掖而行。

上召張玉書。陳廷敬。張英。諭曰。每見漢唐以來。

君臣同樂。有賡和之詩。今朕雖不敢效古先
聖王。亦欲紀一時之盛。可做拍梁體賦詩進
覽。陳廷敬奏言。臣等草野賤士。得觀

天家景物。蒙

聖恩深厚。真明良喜起之休。且百工熙。庶事康。
皆君臣交儆之辭。自是唐虞盛事。臣等身際
休明。受恩愈深。但愧報稱愈難。於是陳廷敬
等。出宣旨。羣臣奏曰。臣等敢不歌詠太平。但
恐不能賡颺

聖德。大學士李蔚言。拍梁體詩。首一句。當恭請
皇上御製。陳廷敬復入奏。

上曰。明日早發。遣中使至大學士杜立德第。
賜酒饌。諭曰。卿弼亮老臣。久任機密。端醇恪
恭。勤慎素著。茲海宇蕩平。時當令序。內殿賜
宴。廷臣念卿卧病。不克同此歡讌。特遣中使
慰問。賜以醴饌。卿其加餐珍攝。以副朕惓惓
至意。○癸亥。上元節。賜外藩王貝勒貝子公。
台吉等。及內大臣。大學士等宴。翰林院掌

院學士陳廷敬。內閣學士張玉書。至乾清門
候旨。侍衛捧

御製詩序出。羣臣集太和殿下。以次各賦詩九
十三韻。序云。朕於宣政聽覽之餘。講貫經義。
歷觀史冊。於書見元首股肱賡颺喜起之盛。
於詩見鹿鳴天保諸篇。未嘗不慕古之君臣。
一德一心。相悅若斯之隆也。今際海內宴安。
兵革偃息。首春令序。九陌燈輝。豐穰有徵。吾
民咸樂。思與諸臣。欣時式燕。爰於乾清宮廣
集。簪裾肆筵授几。斯時也。蟾光釐炬。焜耀堂
廉。綠樹瓊葩。雜羅樽俎。許笑言之勿禁。寬儀
法之不糾。復令次登文陛。渥以金罍。咸俾有
三爵。油油之色。易曰。上下交而志同。傳曰。
享以訓恭。儉宴以示慈惠。則今日之祀觥旨
酒。豈徒以飲食宴樂云爾哉。顧瞻諸臣。或位
居諧弼。或職任卿尹。或典文翰。或司獻納。宜
共成篇什。以紹雅頌之音。朕發端首倡。傲拍
梁體。班聯遞賡。用昭昇平盛事。冀垂不朽云。

製御麗日和風被萬方。卿雲爛熳彌紫閣。內閣大學士臣

德洪覺羅勒一堂喜起歌明良。內閣大學士臣明珠止戈化

洽民物昌。內閣大學士臣李蔚蓼蕭燕譽

聖恩長。內閣大學士臣馮溥天心昭格時雨暘。吏部尚書臣黃機

豐亨有兆祝千箱。戶部尚書臣梁清標禮樂文章仰

聖皇。禮部尚書臣吳正治

廟謨指授靖八荒。兵部尚書臣宋德宜春回

丹詔罷桁揚。刑部尚書臣魏象樞河清海宴禹績彰。工部尚書

臣朱之弼百度胥飭網紀張。都察院左都御史臣徐元文御千官

濟濟盈巖廊。吏部左侍郎臣張士甄天工無曠勤贊襄。

吏部右侍郎臣楊永寧有年歌協臣所望。戶部左侍郎臣李天馥

共期紅朽答殊常。戶部右侍郎臣李仙根轉漕億萬充

天倉。戶部倉場侍郎臣馬汝驥邦禮叨贊慚趨蹌。禮部左

中楊正職司寅清佐垂裳。禮部右侍郎臣富鴻基天河洗

甲通蠻鄉。兵部左侍郎臣焦毓瑞

皇威四暢咸來王。兵部右侍郎臣陳一炳祇承欽恤和氣

翔。刑部左侍郎臣杜臻刑措不用民壽康。刑部右侍郎臣葉方藹

八材庀化師爰旂。工部左侍郎臣趙璟左平右城開明

堂。工部右侍郎臣金羅仰窺神策驅天狼。內閣學士臣李光地膏

以大澤人胥慶。內閣學士臣張王書

帝庸作歌追虞唐。翰林院掌院學士臣陳廷敬身依雲漢賡

天章。翰林院學士臣張英恪秉訓厲敦羔羊。左副都御史臣

奉宣仁風之吳疆。原左副都御史臣余國柱九閣

誅蕩瞻龍光。通政使司通政使臣王盛唐斗杓高掩貫索

芒。大理寺卿臣張雲翼圖列養正親羹墻。詹事府詹黃

鐘大鏞諧禎祥。太常寺卿臣崔澄郊衢擊壤歡豐穰。

順天府府尹臣熊一滿大官珍膳羅酒漿。光祿寺卿臣馬世濟調

閑六御騰康莊。太僕寺卿臣張可前忝預風紀凜清霜。

僉都御史臣張吉午出入玉珮聲鏘鏘。左通政使臣崔官納言惟

允尚職詳。右通政使臣吳瑛褒忠厲節感

賜觴。右通政使臣陳汝器園扉閒寂春草芳。大理寺少卿臣

拜手好生頌禹湯。少卿臣徐旭齡前星令望欽顛印。

少詹事臣王澤弘終始念典用斯臧。少詹事臣崔蔚林言謨

行範輝縹緗。侍讀學士臣蔣弘道倚歛

至德日就將。侍讀學士臣胡簡敬叨塵侍從恩莫量。侍讀

臣朱之佐靖共夙夜無怠遑。侍講學士臣嚴我斯梧桐生矣

于高岡。侍講學士 紬書東觀翰墨香。侍講學士 盧

琦三德六行為士坊。國子監祭酒 宮官備位

滋悚惶。右春坊右庶子 六經義叶如笙簧。侍讀

典奎文煥若森琳瑯。侍讀 朝朝索筆侍

御床。侍講 紀載

聖治金匱藏。侍講 頻年宣室虛對揚。侍講

宸篇揆藻燭昊蒼。侍講 承華毓德成圭璋。左

駭雲驥。司經局洗馬 果惡流影耀壁璫。左

仁波溟渤同激汪。左 鸞旂乘春

零露瀼。右 爰賡天保矢勿忘。右 八

表同軌來梯航。大 雲門磬管聲

喞。右 泰交天闕開春陽。左 惟

睿作聖金玉相。右 珥筆何幸日月傍

夜醉星低昂。右 在廷悅豫和宮商。右

休聲颺。修撰 睿謨典誥同洋洋。編修

濫典樂正董上庠。司業 治登三五

睿謨典誥同洋洋。編修

治登三五

神聖功臣職當。編修 琅函瑤版書焜煌。檢

石渠高議芟批糠。嚴繩孫 日侍青禁研

鉛黃。編修 願言直節謹自防。事 承

帝心勤民重農桑。戶 具舉細目恢

弘綱。禮 誕敷文德四國匡。兵

嘉禾既殖鋤莠稂。刑 屈軼朱草紛

琛執玉輸篚筐。工 屈軼朱草紛

兩廂。掌 封章問夜檢皂囊。掌

擬將勁操堅蒼篴。掌 朝無闕

事聯班行。掌 千門燎火宵未央。掌

昇平高宴邁栢梁。掌 乙丑諭禮部

比年以來逆賊吳三桂背恩反

叛擾亂地方仰荷

祖宗在天之靈默垂庇佑克奏蕩平應躬詣

山陵展祭以告成功前初聞捷音即謁

孝陵行禮茲奉

太皇太后慈諭

太祖

太宗山陵亦應親往祭告。隨命議政王大臣等會議。僉謂事關大典。允宜舉行。今擬即謂

太祖

太宗山陵。虔申昭告。用展孝思。應行事宜。及需用各項。著各該衙門速行備辦。爾部即遵諭行。○丙寅。

上詣

太皇太后

皇太后宮問安。○調湖廣總督蔡毓榮為雲南貴州總督。○丁卯。議政王大臣會議。逆賊吳三桂骸骨。分發各省。吳世璠首級。交與刑部懸掛示衆。逆黨夏國相。應凌遲處死。及勢迫投降巴養元等五人。應立斬梟示。

上曰。此中尚有可議者否。大學士勒德洪。明珠奏曰。此輩罪犯已極。應正國法。似無可議。又逆賊耿精忠等十人。應凌遲處死。其逆黨黃國瑞等十九人。應立斬。

上曰。耿精忠身造罪孽。應當極刑。其子等俱行凌遲。亦有可憫。可改為斬否。明珠奏曰。耿精忠之罪。較尚之信。尤為重大。尚之信。不過縱酒行兇。口出妄言。耿精忠負恩謀反。且與安親王書內。多有狂悖之語。甚為可惡。

上又曰。賊黨官員內。尚有可矜者否。明珠奏曰。此內有陳夢雷金鏡。田超蛟。李學詩四人。犯罪固應處死。然尚有可宥之處。

上曰。耿精忠等事關重大。著議政王大臣。九卿。詹事科道。會同詳議。其吳三桂骸骨。分發各省。及吳世璠首級。懸示夏國相。凌遲巴養元等梟示等事。亦示九卿等知之。明珠奏曰。春正雖不用刑。但此輩罪惡甚大。與尋常不同。應於兩三日完結。○以翰林院侍講董訥。提督順天學政。○戊辰。議政王大臣等會議。逆賊耿精忠等。分別凌遲處斬。具題。得旨。耿精忠。革去王爵。著即凌遲處死。其子耿顯祚。革去散秩大臣。著即處斬。徐文耀。王世瑜。白顯

中江元勳曾養性王振邦將得輟劉進忠俱
即凌遲處死黃國瑞林芳孫慶廷雲李似桂
夏李旺呂應斗武灝司定猷沈偉郭景汾羅
萬里祖弘勳陳儀陳斌呂八俱著即處斬耿
精忠劉進忠首級著梟示田起蛟金鏡李學
詩陳夢雷俱從寬免死內係旗人給與伊本
主為奴係民入官給披甲新滿洲為奴餘如
議○陞監察御史塞克德為都察院左副都
御史○已巳諭理藩院尚書阿穆瑚等曰
近見內外蒙古接壤地方互相攘奪盜竊者
甚多遇此等事遣爾衙門官員前往察閱不
思調和兩國裨益地方據實奏聞以副朕驅
使但苟且竣局希圖脫免凡事有問諉云不
知此等事情皆朕親行諮訪得之爾等堂司
官何曾啓奏一事爾衙門司官筆帖式並無
一人克盡職掌著將此諭傳知以後務期勤
慎効力不得仍前草率疎忽○封和碩安親
王岳樂子岳希為多羅僖郡王輔國公綽克

託子蘇嚴為輔國公○授輔國將軍巴爾善
之子永壽墨美之子拜塞俱為三等奉國將
軍奉國將軍費揚午之子畢喇錫為奉恩將
軍○調江西總督董衛國為湖廣總督○裁
江西總督缺歸併江南總督為江南江西總
督○戶部議覆廣西巡撫郝浴疏言粵西地
丁錢糧每銀一兩折收米一石原係一時權
宜之計今二省之運既停八旗之兵又撤康
熙二十一年分折徵米石請照舊徵銀應如
所請從之○磔從逆貴州提督李本深於市
伊孫李象乾李象坤及民籍親弟之子李濟
祥李濟民並立斬○辛未諭戶部漕糧定例
官收官兌獨浙江民兌另立私截之名困苦
百姓著檄巡撫嚴禁違者即行叅劾○壬申
上詣
太皇太后宮問安○錫
御製昇平嘉宴詩序及詩於石貯翰林院敬一
亭○禮部題琉球進貢來使毛見龍等請命

廷臣往封伊國王。今議將封敕交與來使齎回。得旨。伊等輸誠。懇求遣使。應特遣官往封。○癸酉。禮部議覆浙江道御史任珙請定典禮一疏。嗣後凡遇

太皇太后

皇太后聖壽節。

萬壽節。及元旦。冬至。令節。慶賀行禮之儀。在京文武各官。并直隸各省進表官員。在午門外排班。聽鴻臚寺官員接傳。於

皇上行禮時。跟隨行禮。從之。○甲戌。禮部題。鎮國將軍品級馬喀納之母守節。年五十歲。應照例給與銀兩。緞疋。獎諭旌表。正紅旗八品官覺羅鄂信妻常氏。隨夫殉節。應遣官致祭。從之。○乙亥。以故一等公噶布喇子長泰襲爵。○以內閣學士格爾古德為直隸巡撫。○兵部議覆。工科給事中碩穆科疏言吳逆叛亂。暫停軍政。今滇逆蕩平。軍政大典。應仍舉行。查軍政自康熙十一年舉行之後。至康熙

十六年暫停。今仍應舉行。各官所行之事。併事故履歷。應從康熙十一年軍政後開起。九門千總等。今設有九門提督。應聽該提督填註考語。造冊開送。舊例止有見任總兵官自陳。今候補及隨征總兵官等。均令其自陳。副將以下。候缺官員。仍照例各原任考察。從之。○丙子。陞光祿寺卿馬世濟為都察院左副都御史。○兵部議覆河南道監察御史孫必振疏言。吳逆變亂。李師膺為陝西韓城縣城守武弁。首先倡亂。後又隨王輔臣為賊。投誠後。雖立有微功。不足贖其倡亂之罪。查李師膺原係陝西神道嶺遊擊。於康熙十四年二月內。將韓城縣知縣翟世琪殺害。至康熙十五年六月內。在撫遠大將軍圖海軍前投誠。後安遠靖寇大將軍多羅貝勒察尼取岳州。叙招撫難民功。將李師膺授為隨征湖廣岳州總兵官。但李師膺背恩謀叛。勢迫投誠。雖有招撫難民之處。並非立有剿賊効力之功。

應將李師膺革職其員缺覓在議裁不必推補從之○戊寅。

上詔

太皇太后宮問安○授故固山貝子顧爾瑪渾之子薩山為三等輔國將軍

實錄卷一百

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百

大清聖祖合天弘運文武睿哲恭儉寬裕孝敬誠信中和功德大成仁皇帝實錄卷之一百一

監修總裁官光祿大夫太保兼太子太傅保和殿大學士兼戶部尚書二等伯加四

級臣馬齊光祿大夫經筵日講官起居注少保兼太子太保保和殿大學士仍兼

管吏部戶部尚書翰林院掌院事加二級又加一級臣張廷玉光祿大夫經筵講

官太子太傅文華殿大學士仍兼理戶部尚書事務加五級又加二級臣蔣廷錫

總裁官光祿大夫文華殿大學士兼吏部尚書臣朱軾等奉

敕修

康熙二十一年壬戌二月己卯朔庚辰陞

實錄卷一百一

吏部左侍郎達都為都察院左都御史○陞

正紅旗滿洲副都統殷圖為護軍統領○調

正黃旗蒙古都統侯巴渾德為滿洲都統○

議政王大臣等議都統根特不請旨擅拘禁

提督佟徽年又不進重慶輒以山大路險題

請又令進剿譚弘彭時亨復推諉規避應削

職得旨根特才具頗優人亦勇健情罪不甚

重大即行削職似屬可惜著降級從寬留任

○旌表江南烈女程道翼聘妻汪氏夫亡聞

計自繼給銀建坊如例○辛巳。

上詣

皇太后宮問安○裁鄖陽提督缺設副將一員

中軍都司一員左右二營守備二員留兵一

千六百名○議政王大臣等察議護軍叅領

圖爾度渾等軍機情罪分別革職降級。

上諭大學士等曰此議尚輕圖爾度渾原係侍

衛朕甚優眷彼應率先衝鋒比眾倍加奮力

為是反以行軍大道為狹隘妄稱不能旋馬

後知事悞又巧稱並無此言若此輕擬何以

勉勵後人我朝用兵全賴前鋒哨探倘皆效

尤如何行師伊等罪犯草率輕擬不合爾等

傳諭議政王大臣等知之○壬午。

上詣

太皇太后

皇太后宮問安○陞詹事府詹事達岱為內閣

學士兼禮部侍郎○陞偏沅按察使馬斯良

為福建布政使司布政使○以故歸化城都

統托波克子佐領吳巴錫為歸化城都統○

免廣西柳州府貴州慶遠府康熙十八年民

欠額賦○予故太子太傅都統三等公議政

大臣中和殿大學士兼吏部尚書圖海祭葬

加祭二次謚文襄○先是左副都御史余國

柱請釐正

郊廟燕享樂章。

上曰饗祀樂章一代制作所係禮部翰林院集

議以聞至是部臣等議自古廟樂原以頌述

祖宗功德本朝郊祀

天地各

壇廟樂章曲名曰平見今遵用已久况

太宗

世祖同在

太廟致祭不便分廟另撰宜如舊惟朝會燕饗

等樂會典所載曲調風雅未備宜救下所司

酌古準今求聲律之原定雅奏之節進呈請